



ЯМДЕ ЛИЙ

1933 ий 1 февраль годсек лектеш.

0+

Ача илышлан ТУНЫКТА

17 июнь –
Ачан кечыже

Юнкорна-влак «Ачам – мыланем пример», «Мый ачам гай лийнем» манын, редакцийыш чўчкыдын серышым колтат. Теве Йошкар-Олаште илыше куд ияш Яндияр ден кум ият пелаш Онар Аптулаевмытат **(снимкыште)** ачашт дене кугешнат.

Эвика ден Володя Аптулаевмыт рвезе-влакым моштен воспитатлат. Яндияр йочасад деч вара «Онар» ансамбльыш кушташ, Йоча да самырык-влакын усталык полатысе «Нотки» студийыш мураш коштеш. «Камертоша» всероссийский муро конкурсышто Яндияр 2-шо верым сенен налын, кубокшат уло. Легом кумылын пога. Онар чыла шотыштат арулыкым йората, весы-мат кумылангда. Изи машина-влак дене модеш, тудо аван эн кугу польшкалышыже. Изак-шоляк «Цветик-семицветик» кружокыш коштыт.



А. ИСКАКОВАН фотожо.

– Йочан ончыкылыкшо – ача-аван кидыште, – оила Марий Эл радион журналистше Владимир Аптулаев. – Пеледышым йоратен, жапыштыже вўдым шавет гын, тудо шке моторлыкшо дене куандараш тўналеш. Тыгак йоча дене. Икшыве пиалан лийже, шуаралтын кушшо манын, тудлан изинек ыполшыман, шинчымашыжым келгемдыман, мастарлыкшым виангдыман. Ача шке эргыжым пўрєен пашалан туныктышаш, ачан пенгыде мутшо лийшаш. Ачам ончен, икшыве илышлан тунемеш. Жап эртымеке, кызытсе изи йоча «Ачам тыге оила ыле» але «Ачам тыге ышта ыле» манеш гын, тугеже ача шке икшывыжым чын ончен-куштен, шонем.

Ачай, улат эн шерге мыланем тый. Авам гаяк мый тыйым йоратем. Чыла пашам кыртмен ыштет тый, Мошта чыла мастар кидет.

Мария ИЛЬИНА.

Морко, Шўргыял.

ПОДПИСКЕ!

Марий Эльште, Пошкырт да Татарстан кундемлаште илыше-влак газетлан почто связь отделений-лаште

«Ямде лий» газетын акше – 298 тенгеат 80 ыр.

лаште возалтын кертыв.



Л.ГРИГОРЬЕВА ямдылен.

Лотерей!



Лотерей модышыш ушныза! Тидлан теве мом ыштыман: 2018 ийын кокымшо пелыжлан «Ямде лий» газетлан подпискым ыште, квитанцийым але копийжым редакцийыш колто. Лотерейын учредительже – «Ший памаш» сылнымут фонд. Вуйлатыше – В.В.Краснов.

Индекс – П4696.

Реклама

Лагерыште канена



тамлын кочкына да түрлө модыш дене модына.

Квест модыш пеш келшыш. «Весела старт» годым йоча-влак чулум лийыч. «Алмаз» ден «Чебурашка» команде-влак иктөр очком погышт.

Виолетта МАТВЕЕВА.
Волжский район.

Пөтъял школ пелен «Шонанпыл» каныме лагерь почылто. «Динамит» ден «Чебурашка» отрядлаште чылаже 40 йоча кана да шке тазалыкшы шуара. Ме эрдене зарядкым ыштена, куржталына, школ пакчаште полшена,

Ме «Алые паруса» каныме лагерыш уло кумылын коштына. Икшыве-влак изи мўкш гай погынат. Лагерыште түрлө спорт тагасымаш, викторине, конкурс эртаралтыт.

Валерия БОРИСОВА.
Морко, Коркатово.



Таче Йошкар-Олаште марий калыкын йоратыме «Пеледыш пайремже» эрта. Саламлена!

Шем теныз, вучо

Тений мыланем Шем теныз воктенысе «Смена» йоча рўдeryште лияш пиал шыр-гыжалын. Марий Эл гыч 15 йоча каненна. «Секрет успеха: Стартап» программе почеш пашам ыштенна. Ме у йолташна-влакклан Марий Элысе йоча организаций, калык йўлана нерген каласкаленна, волонтер акцияш ушненна, проектым возаш тунемынна.

Анастасия САУТОВА.

Курыкмарий,
Микрак.



Ме икте-весе дене палыме лийынна, юарленна да уэш вашлияш товатленна.

Йынгыртыза

26 июнь – Наркоманий да наркобизнес ваштареш кучедалме кече.

Марий Эл Республикысе МВД-н наркотикым шаркалым эскерыше Управленийын начальникше Дмитрий Безденежных, Республикысе наркологий диспансерын тўн врачше Сергей Бочкарев, Йошкар-Оласе да Марий епархийын священникше Андрей Колчаков да Республикысе калыклан психологий да педагогике, социальный польшыш пуйшо «Доверие» рўдeryн специалистше-влак «ШОКШО ЛИНИЙЫМ» эртарат. Наркотик дене кылым кучышо еным эмлыме, реабилитироватлыме нерген, тыгак наркоманий ынже шарле манын, мом ышташ кўлмө нерген йодыш-влакым пуэн кертыда.



«ШОКШО ЛИНИЙ»
2018 ий 26
июньшто 10.00
гыч 13.00 шагат
марте пашам ышта.
Телефон номер:
8(8362) 21-10-40.

Историйым шергалына

1855 ий 18 июньшто Крым сар годым англичан-француз-турко войска Севастополь олаш да Малахов курганыш иканаште керылтын. Кўкшакам сенген налын, олам куштылгын руалтынешт улмаш. Но руш войска тушманым чактарен.

23 шагат деч вара йоча-влакклан кугыен деч посна уремшыште коштал ок лий.

Марий Элыште «Зарница Поволжья» военно-спортивный модмаш эрта. Тушто 16 команде (14 еган) тагаса. Кугурак класслаште тунемше 200 утла ўдыр-рвезе вийжым терга.

Шўдыр чўкыдө – ийр толшашлан.

12 июньшто, Россий кечын, Йошкар-Оласе Дева Мария площадыште верланыше Благовещенск башныште «Спаская башня» тўвыра-ончер рўдery почылтын.

Белоруссийын рўдeryлаштыже паренгылан памятник уло.

Иўдлан иўстембалан оксам кодыман асыл – йорло лият.

14 июньшто Футбол дене 21-ше тўнямбал чемпионат тўналын. Тудо 15 июль марте шуйна. Российысе 11 олаште эртыше 64 матчы телевизор дене ончыза.



Еш - илыш кече

Кажне йоча ешыште илышаш да воспитатлалтшаш, ача-аван чон шокшыштым шижын кушшаш. Но, чаманаш логалеш, чылаж годым тыге огыл. Тўрлө амаллан көра икшыве-влак тулыкеш але ача-аван полышышт деч посна кодыт. Тачысе кечылан Марий Эл Республикыште 1903 йоча вес ешыште ила. 1021 опекун еш шотлалтеш, 1158 йочам ончат, 558 еш 877 икшывым ашнаш конден. 82 йочам 81 еш эргылыкеш але ўдырлыкеш налын. Ашнаш налше ача-ава, опекун-влак йочапөртлаште илыше икшыве-влаклан йоратымашым да ешым пөлеклат. Тидыже нимо дене тагастараш лийдыме кугу пөлек да куан. Кугыен-влакын тыршымыштлан көра икшыве-шамыч тунеммаште, спортышто сенымашке шуыт, чын илыш корныш шогалыт.

Иквереш ушен

Йоча-влакым аралыме тўнямбал кечылан пөлеклалтше «Мыйын ешем - мыйын поянлыкем» республикысе тагасымаш 31 майыште Медведево посёлкысо 3-шо номеран школышто лийын. Конкурс «Единая Россия» партийын «Пенгыде еш» проектше почеш эртаралтын. Марий Элыште тагасымаш Россий Федераций Кугыжаныш Думын депутатше С.Ю.Солнцева полшымыж дене шындаралтын.

- Ешым нимо дене вашталташ ок лий. Тендам, пиалан икшыве да йўлышө шинчан ача-ава-влакым, куанен эскерем. Те илыш пёрдемшыште икте-весым вашлийында. Тиде моткоч кугу пиал. Пагалыме ача-ава-влак, ег шочшын ойгыжым шижын да улыен моштымыланда, нуным шке икшывыда семын ончен куштымыланда тау, - саламлен ойлен Светлана Юрьевна.

Конкурс тўрлө районышто да олаште эртен. Финалышке Морко, Волжский, Советский, Марий Турек, Звенигово, Медведево, Юрино районла да Йошкар-Ола гыч ашнаш налше 9 еш ушен.

Ешыште ача-аван йоратымашыжым шижын кушшо йоча ончыкыжым пенгыде койыш-шоктышан, лишыл ег-влакым пагалыше да жаплыше лиеш. Илышыште вашлиялтше неле-йөсым сенгаш тунемше икшыве кугу сенымашке шуын кертеш. Тек кажне суртышто йоча йўк шергылтеш, кажне ешыште келшымаш, ваш умылымаш озаланат.



С.Ю.Солнцева Шаяковмыт ешым (Медведево район) саламла.

Чолга да икоян - сенгыше

Еш-влак шкешт дене палдареныт, кидпаша мастарлыкыштым да мурымо-куштымо усталыкыштым ончыктеныт, спорт тагасымаште вий-куатыштым тергеныт. Тўшкан тагасыме годым икоян улмо, виян, чолга да писе койыш-шоктыш эн күлешан. Лач тыгай улмыштлан көра Медведево район гыч Калининмыт еш



(снимкыште) сенгышыш лектын. Нунылан кубокым да вургем мушмо автомат-машинам пөлекленыт. Калининмыт еш: Олег Александрович ден Татьяна Кузьминична, Анна, Саша, Федя, Лилия, Аня да Тёма -

Марий Элын чапшым Всероссийский конкурсышто аралаш тўналеш. Кокымшо верым Йошкар-Ола гыч Аникин-Левченко-Золотковмыт еш **(ўыл снимкыште пурлаште)** сенген налын. Пөлек - мебель стенке. Звенигово район гыч кумшо верыш лекше Батаевмыт ешлан **(ўыл снимкыште шолаште)** пылесосым пуэныт. Тўрлө тагасыште ойыртемалтше моло еш-влак-лан дипломым да мультivarкым кучыктеныт.



Лаштыкым Л.ГРИГОРЬЕВА ямдылен.





Поэтын кумылжо – почеламут

Морко район Арын школышто В.Крыловын шочмыжлан 65 ий темме лумеш эртарыме пайремыште тӧпката туп-вачан рвезе, сценыш лектын, поэтын «Марий Элем» почеламутшым туге сылнын лудын пуыш, шӱм-чонлан юрт! чучын колтыш.

Иктагашыже-влак коклаште икымше верым сенген нале. Тиде Владимир Назаров (**снимкыште**). Волаксола школын 8-ше классшым-тунем пытарен. Марий сылнымут дек марий йылмым да литературым туныктышыжо Э.З.Никитина кумылан ден.

– Василий Васильевичын возымо почеламутшым пеш писын да куштыл-гын тунемым, – оила Володя. – Сцене гыч ойлымем годымат ала-могай вийым шижым. Очыни, поэт пеш проста да поро кумылан лийын.

Л.ГРИГОРЬЕВА.



Авторын фотожо.

Йомакысе гай!

Кенеж – мыйын йӧратыме пагытем. Садерышке лектам да ончен куанем: пеледыш-влак сылнын пеледын-ныт, олмапу марлан кайыше ўдыр гай коеш, кайык-влак сылнын муралтат. Йомакышке логалмемла веле чучын колта! Ялыштына йоча-влак пеш шукын улыт. Ме уремыште модына, жапнам онайын эртарена.

Мария ДМИТРИЕВА.

Морко, Коркатово.



Чоныш илыш
семым
Шочмо вер пыштен.
Геннадий ОЯР.

Садвечем

Кажне ял шкешотан, каж-ныже шке семын сылне, сӧрал. Нунын кокла гыч шукужым сад сӧрастарара. Шуко сурт пелен олмапу, ломбо, пызле, шоптырвондо, энжывондо – икманаш, тӱрлӧ вондер ден пушенге кушкыт. Шошым садвече пеледеш, йырваш тамле пуш шарла. Садыш толын, кайык-влак сылне мурыштым мурат. Жап эртымеке, сад тамле деч тамле саскаж дене куандара.

Виктория МАМАЕВА.
Кужӧгер, Кугу Регеж.



Какшамарий кундем

Тендам, пагалыме лудшем-влак, Провой кундемын юзо мландышкыже миен савырнаш ўжам. Какшамарий вершӧр икымше марий профессионал композитор И.С.Ключников-Палантай дене чаплана. Ты мландыштак усталык шӱлышым налын дӱмлӧ композитор Яков Эшпай. Ял покшелне верланыше школышто 154 йоча ончыкылыкклан ямдылалтеш. Школ пеленысе йочасадыш 56 ньога коштеш. Ятыр ий Какшамарий школ директорлан поро койыш-шоктышан, пӱсӧ уш-акылан Б.В.Кондратьев ышта.

Ме, Морко районысо тӱрлӧ школышто этнокультур предметлам туныктышо-влак, Провой кундем деч у шӱлышым нална.

Е.В.ГРИГОРЬЕВА.



Кӧ тыге
возен?

Уэш чонна куан
ден темын,
Уэш мурен шерна
ок тем.
Вашлийын йыр
кугу пайремым,
Лӱшкен лӱшка
Марий кундем.

Марий Эл,
тый улат
Ава гай кажнылан.
Шке сурт гай
тый кӱлат
Чыла мӱндыр
марийлан.



Дарина БИРЮКОВАН
сӱретше.
Параньга, Олор.

**Тошто,
да мотор**

Шӱргыялна – тошто ял, пӧртшат шукужак огыл, но пеш мотор. Кум урем уло, нуно Кӱшыл да Ўлыл, Ваштар (Кленовый) маналтыт. Мый Ваштар уремыште илем. Памаш йога, ме тудым ачаленна. Памаш воктене – Пекарне чодыра. Ожно ты верыште пекарне лийын, тушто киндым пыштеныт, кызыт тудо уке. Мемнан пакча шентелне пилораме лийын, но тудо йӱлен. Лач изи пилораме уло, тушто Генушын ачаже пырням пӱчкеда. Генушын ачажак ял шентелне пӱям шӱкыктен, Чара куп маналтеш. Вес уремыше пӱяште вӱд кошкен.

Владимир ИВАНОВ.

Морко район.

Увер

5 июньшто В.Дубинин лумеш каныме рудерыште «Юнармий» толкынын лагерьже икымше гана почылтын. Тушто тений Йошкар-Оласе юнармеец-влакын радамышкышт пурышо 110 ўдыр-рвезе кана. Сменым Йошкар-Олан военный комиссарже В.К.Панков, туныктымо полкан воспитаний да ешартыш шинчымышым пуышо отделым вуйлатыше Р.Л.Чемекова, «Юнармия» всероссийский военно-патриот толкынын олесе штабын кураторжо С.Н.Чеканов торжественно почыныт.



номеран школым тунемын пытарен?

3. Кугу Ачамланде сар деч ончыч кушто пашам ыштен?

4. Могай ийыште Йошкар Армиышке налыныт?

5. Икымше Белорусский партизан бригадыште кӧ лийын?

6. Кунам колен?

7. 1958 ийыште могай орденым пуымо?

8. Композитор А.Луппов партизанке ўдыр нерген могай произведенийым возен?

В.СМИРНОВ ямдылен.



22 июнь – Ойганен шарныме кече

Сар тул гочын

кӧ эрталын,

Огына мондо нигунам!

Йот тушман деч

шочмо мландым

Саклена ме кеч-кунам.

**Партизанке
О.А.Тихомирован
шочмыжлан –
95 ий**

1. Ольга Тихомирова могай ялеш шочын?

2. 1939 ийыште могай

номеран школым тунемын пытарен?

3. Кугу Ачамланде сар деч ончыч кушто пашам ыштен?

4. Могай ийыште Йошкар Армиышке налыныт?

5. Икымше Белорусский партизан бригадыште кӧ лийын?

6. Кунам колен?

7. 1958 ийыште могай орденым пуымо?

8. Композитор А.Луппов партизанке ўдыр нерген могай произведенийым возен?

В.СМИРНОВ ямдылен.



Андрей РЕПИНЫН сүретше.
Советский, Орша.

Сар ойырен

Ярасим кугезе качамым мый ужын омыл. Тудын нерген Сергей качам каласкален. Сарыште кредалмаш шыпланыме годым окопышто шинчышжла, Ярасим качай марий мурым мурен, ешыжлан серышым возен. А эн чотшо кок изаже нерген шонкален. Тудын изаже-влак – Выльып ден Васлий – вуйыштым сареш пыштеныт. Сар гыч пӧртылмекшат, кугезе качам эре ўшан дене илен: ала изаже-влак деч иктаж-могай увер толеш? Но война нуным курымешлан ойырен.

Анна ЯМИДАНОВА.

Советский посёлко.

Тиде сар деч ончыч лийын. Катя Извековалан ача-аваже у тувырым налын пуэныт. Порсын тувыр пеш мотор, пайремлык гына лийын. Но Катя тувырым чиен шуктен огыл. Война тўналын. Катя тувыржым шкафыш сакен, шонен: мотор тувыржым сар пытымек чия.

Фашист самолёт-влак Севастопольым чарныде бомбитленят. Ола мланде йымаке, курык коклашке йомын. Военный склад, штаб, школ, йочасад, госпиталь, олмыктымо мастерской-влак, эсогыл кинотеатр, эсогыл парикмахерский-влак – чылажат курыкысо кў лонгашке порволон.

Севастопольшто илыше-влак мланде йымалне кок военный заводым ыштеныт. Иктыштыже Катя Извекова ышташ тўналын. Завод миномётым, миным, гранатым луктын. Вара семын Севастопольсо лётчик-влаклан авиационный бомбым ышташ тўналыныт. Чыла муыныт: кўртнымат, пудештарыме настамат. Икте гына ситен огыл. Бомбым пудештарыме пычалтарым (порох) порсын гыч ургымо

изи мешаклашке оптыман.

Порсыным кычалаш пижыныт. Тўрлӧ складыште йодыштыныт. Иктыште ойленыт:

– Порсын куэм уке.

Весьыште вашештеныт:

– Порсын куэм уке.

Кумшо, нылымше, визымше складлашке коштыныт – нигуштат порсын уке.

Кенета... Катя толын пурен. Кидыштыже вўдылка лийын. Ронченыт – вўдылкаште Катян тувыржо киен. Саде тувыржо. Пайремлык. Порсын куэм гыч.

– Вот так, Катя!

– Тау, Катя!

Заводышто Катян тувыржым пўчкеныт. Изи мешак-влакым ургеныт да пычалтарым оптеныт. Мешак-влакым бомбыш шўшкыныт да лётчик-влаклан аэродромыш колтеныт.

Катя почеш моло ўдыр да ўдырамаш-влак заводышко пайремлан чийыме мотор тувырыштым конденыт. Завод чарныде пашам ыштен. Бомбо почеш бомбым ямдыленыт. Лётчик-влак кавашке чонештен кўзеныт, бомбым кышкеныт – фашист-влакым пытареныт.

Сергей АЛЕКСЕЕВ Пайрем тувыр



Ойлымаш

Пел курым – «Ямде лий» дене йыгыре

(Мучаш. Тўналтышыже – 23-шо номерыште.)

Тений марий просветитель Тихон Ефремовын шочмыжлан 150 ий темеш. Тиде лўмгече вашеш май кыдалне Йошкар-Олаште научный конференцийым эртарыме. Совет властын тушманже улат манын титаклен, Ефремовым 1938 ий шыжым лўенят. Тудын ўмбач 1950-ше ийлаште чыла лавырам ўштыл кудалтыме деч вара тиде уста ег нерген печатыште пешыжак возен огытыл. Т.Ефремов-Уньжинскийын илышыже да суапле пашаж нерген ик эн ончыч, 1988 ий июлышто, «Ямде лий» газетын «Чодыра пеледыш» пўлкаштыже каласкалыме. Тудо, ончычсо поп, «Кынеша, шогаля» ден «Чевеж ўжара» муро-влакым (мутшымат, семжымат) возен. Икымшыжым 1918 ий декабрьште марий калыкын гимнжылан шотлаш пунчалме, весыже «Марий Марсельеза» лўм дене палыме. Да эше: Тихон Ефремович марий калыкын 1-ше погыно (1917 ий кенез) лўмеш «Эрыкыш лекме муро» стихым серен. Тудо кугу (100 наре корнан). Теве икмыняр корныжо:

Юмын мотор чодыраште
Ош куэрлат кушкылда.
Тўрлў калык коклаште
Ош марийжат улылда...
Йўратыме тан-шамыч!
Ўжаражат волгалте.
Вучымо, марий-шамыч,
Поро илыш вузалте...
Айдыза ынде вашкерак
У илышлан кынеша!
Пиал верчын сайырак
Тунемашат тўналза!..

1988-1989 ийлаште йоча газетын «Чодыра пеледышыже» изи лудшо-влаклан тыгак Алексей Эрыкан-Семёнов, Эрвел Осып (Абдуллин), Ямблат Йыван (Ямбулатов), Виктор Вайшев, Олег Искандаров, Ошламучаш Йыван (Беляев), Сакева Сайпетинова, Николай Тишин, Логин Аги (Васильев) дене вашлияш йўным ыштыш. Нине ег-влак тўрлў пўрымашан лийыныт. Иктышт (Сайпетинова, Васильев) шонгеммеш иленят, весышт (Эрыкан, Тишин, Эрвел Осып) репрессийыш логалыныт, кумшышт (Ямблат, Вайшев, Искандаров) сареш вуйым пыштеныт. 45 ияш Иван Беляев черланен колен. Ўпў институтын студенткыже Сакева «Марий салтак батальоным моктымо мурым» возымыж дене чапланен.

Алексей Эрыкан 22 ияш улмыж годым икымше романжым «У вий» журналеш савыктен.

туныктен.

Кызыт Иван Беляев-Ошламучашым шарналташ кугу амал уло, молан манаш гын ме Марий театрын ик курымаш юбилейжым вашлияш ямдылалтына. Беляев театрын икымше вуйлатышыже да режиссёржо лийын. Модын ончыкташ пьесе уке улмашат, Иван ден йолташыже Архип Белков драмкружокын пунчалже почеш шкеак возаш шинчыныт. Тыге «Тупела илыш» драме шочын. Тушто тўн пўртен роль-влакым нуно, кок йолташ, шкеак модыныт. Белковшо вара агрономлан тунем лектын да марий учёный Василий Мосоловын вуйлатымыж почеш диссертацийым возен, тыге ялозанлык науко кандидат лийын.

Кўчыкын каласаш гын, «Ямде лий» газет икымше номерже лекме годсекак марий йоча-влакын лишыл йолташышт, ушан туныктышышт, сай да ўшанле энгертышышт, кангашым пуышышт лийын. Уста ег-влак нерген номер гыч номерыш каласкалымыж дене газет ўдыр ден рвезе-влаклан пеш простан да куштылгын умылтарен шоген да кызытат умылтара: мемнан элыште кеч-кўат шкаланже чын корным, йўратыме пашам, илыш пиалым муын кертеш. Тидланже ала-могай кугу талант огешат кўл. Тўнжў – тыршен тунемаш, ача-аван, туныктышо-влакын ойыштым шуктен шогаш, шке вийлан ўшанаш.

Ты шонымашын чын улмыжым улымышашлан шарналтыза «Ямде лий» газетыш 50, 40, 30 ий ончыч возен шогышо ўдыр ден рвезе-влакын лўмыштым. Ынде иктыже орденан да медялан педагог, заслуженный туныктышо, весыже пагалыме писатель, Кугыжаныш премий лауреат, кумшыжо тале журналист, культурын заслуженный пашаенже, нылымшыже инженер, изобретатель, визымшыже науко доктор, профессор лийыныт. Тиде спискым мучаш марте шуктенат огына керт – вашталтыш эреак лийын шога.

Г.ЗАЙНИЕВ.

Газетын 85-ше идадене тудын танже ден юнкоржо-влакым, ўдыр-рвезе-влакын ача-аваштым да туныктышыштым шокшын саламлем! Пиалан лийза!



Изиэм
Г о д ы м
мылам пионер газетым лудаш логалын огыл гынат, вараже тудын ик авторжо лийынам, тушко теве ынде пел курым чоло возен шогем. А таче «Ямде лийын» тыглай танже гына огыл, а тудын почётан юнкоржо улам. Тидын дене кугешнем.

Кенезым вученна

Мый кенез каникулым пеш вученам. Ешна дене Кӧрдымучаш ялыште илена. Кенезым Юра изам дене колым кучаш коштына. Авам колым жаритла, шӱрым шолта. Мемнам мокталта. Юра изам 6-шо классыш вончен. Мый 2-шо классым пытаренам. Кенез каникулым чот вученна.

Ангелина МОЧАЛОВА.

Советский, Ӗрша.



Каникулым чот вучышна. Кенез жапыште мом гына от ыште! Мый йолташем-влак дене модам, пакчаште шӱкшудым кӱрам, книгам лудам. Канашат жап шуко кодеш. Кече шокшо лиеш гын, йӱштылаш коштына.

Диана АЛЕКСАНДРОВА.

Морко, Эгерсола.



Чеверын, йочасад!

Морко посёлкысо 1-ше номеран йочасадыш коштшо изи ўдыр-рвезе-влак йочасадышт дене чеверласеныт. Йоча, ача-ава, воспитатель-влак «Стиляги – Party» пайремыштлан келшышын чиеныт. Пырля модыныт, муреныт, куштеныт, почеламутым лудыныт. Ача-ава-влак икшывыштым воспитатель-лаш полшымыштлан йочасадысе кажне пашаенлан, йӱратыме воспитатель-влак И.В.Алексеевалан, Л.В.Никифоровалан, О.Г.Игнатьевалан кугу таум ойлат.

Палыдыме верышке йӱштылаш пурыман огыл. Шукертак палыме верышке пуредат гынат, вӱд йымалне шуко жап лийман огыл.

Миклай зоокевытыште кевытче деч йодеш:

- Те крокодилым ужале-да?
- Ужалена.
- Кок метран уло мо?
- Уло.
- А пел метран?
- Уло.
- А кок сантиметран уло?
- Уло. Налат?
- Огым. Садак лӱдам.



Конкурс

Наталья СИДОРОВАН плакатше. Татарстан, Мамадыш, Кугу Шия.

Синквейн

Кенез
Ояр, шокшо.

Модыкта, йӱштылыкта, каныкта.
Мыйын йӱратыме пагытем.
Каникул.
Дима ХАЛТУРИН.
Советский, Ӗрша.



Шинчалан-шудо А, С, К, В1, В2, РР, Е витамин-влаклан поян. Тазалыкетым эскерынет гын, тыгай салатым ыштен коч.

Кӱлыт: 100 гр. шинчаланшудо, 40-50 гр. ўмбал, 1 муно, шинчал, пурис.


Эр шушо шинчаланшудым йӱштӧ вӱдеш сайын муш, 2 сантиметр кужыт дене пӱчкеде. Вара келге атыш пыште, шинчал, пурис ден ўмбалым ешаре да сайын варе. Тамым пурташ тиде вартышыш сакырложашымат шавалташ лиеш. Ямде салатым атылаш опто, тыгыдемдыме муно, пӱчкедыме укроп дене сӧрастаре.

15 июнь – Мардежын кечыже 2007 ий гыч палемдалтеш.



Сӱретым чиялтӧ.

Вачий эр дене кыненын, окнашке ончалын – уремыште кече шырата, каваште ик лапчык пылат уке.
– Ой, йӱдым могай тӱтан мардеж лийын! – аважлан ойла.
Виян мардеж лийме нерген Вачий кушеч пала? Вет тудо йӱдым чот мален.



Сӱретче могай йонгылышым ыштен?



Алина СУББОТИНА.
Морко посёлко.

КОНКУРС!

«Икымше транспортем»



Юля ЯМИДАНОВА.
Советский посёлко.



Ирина ИЛЬМУРЗИНА.
Пошкырт, Агидель ола.

ТУШТО



Кычкаш
ок лий –
алаша,
руалаш ок лий
– пүгө, дупшалаш
ок лий – шога.

Йоча велосипед ожно 31
тенгем шоген, а кызыт тудын
акше 17 пачаш шергештын. Йоча
велосипед мыняр тенгеаш?



Могай карандаш
эн кужу?

Рушла гыч марлашке кусаре

1. Яблоко.
2. Песок.
3. Луг.
4. Петля.
5. Смешной.
6. Деньги.
7. Грива.
8. Прежде (давно).
9. Телега.
10. Злой.




Катягн аважын – 4 икшыве.
Нылымшыжын лүмжө кузе?

Ош сер семын

пеледалтын,
Тамле пушым шаралтен,
Тутло саскаш савырнен,
Олыкмөржө йошкарген.

Юлия ИВАНОВА.
Кужэгер, Шорсола.

О



Ольга СТЕПАНОВА.
Морко, Шап Унчо.



10 ойыртемым му.

Индекс: Марий Элыште,
Пошкырт ден Татарстан
кундемлаште - П4696.
Тираж 1150 экз. Заказ 1154.
Формат – А-4-8.
Директор-тун редактор
Л.В.Семенова.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.pro,
Тел. 8(8362) 45-22-82
(факс).

УЧРЕДИТЕЛЬ-ВЛАК: Марий
Эл Республикысе культуру, печат
да калык-влакын пашаш
шотышто министерстве, «Ямде
лий» газет» кугыжаныш уни-
тарный казна предприятий.

Газетым редакцийште пог-
мо да верстатлыме, «СТРИНГ»
ИПФ ООО-што ямде оригинал-макет гыч
савыктыме. Типографийын адресше:
424006, Йошкар-Ола, Строитель урем, 95.

Газетым Массовый коммуникаций
сферыште да культуру наследиим ар-
алымаште законодательством шуктен шо-
гымым эскерше Федеральный службын
Приволжский федеральный округысо уп-
равленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

Газетым Печать да массовый
коммуникаций шотышто
Федерал агентствын окса
полышыж дене лукмо.

Печатьыш пуымо жап – 14-00,
фактически – 13-00.

Авторын да редакцийын шоныма-
шышт түрлө лийын кертыт. Се-
рыш-влак мөнгеш огыт колталт.
Ак – кутырен келшыме почеш.

Редакцийын да издателын адрес-
ше: 424006, Йошкар-Ола, СССР
Вооружённый Вийын
70-ше идалыкше урем, 20
(юридический)
Энеруэмбал Амстердам, 1
(фактический).

0+